



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Vita Et Institvto S. Ignatii Societatis Iesv Fvndatoris.
Libri Qvinqve**

Bartoli, Daniello

Lvgdvni, 1665

XLIX. Ratio bonos formandi superiores. Iacobus Miron.

urn:nbn:de:hbz:466:1-10840

illo regno Ordinem suum secum immiserit. Furendi causam haud aliam habuit, præter doctrinæ, & sanctimoniorum nomen quod illic Deus Societati iam fecerat, ex quo ille cum suis, falso illam religiosi Ordinis titulo se iactare; fallaci doctrina illudere; vitam ducere peruersitate morum sceleratam; quæ uti sentire obstinarant, ita populo inculcabant, ut iam è pulpitis audiretur nihil, nisi Societatem Anti-christorum esse cœtum, quos multiplici parallelo nobiscum minute componebant. Huic se turbini permittens Ignatius, ferendo, tacendo, Dei opem querendo, experiebatur an valeret illum mansuetudine lentare: sed irrumpte illo ferocius quod nullius obiectu tardaretur, Petrum imitatus iactatae nauiculae metuentem, Christum excitauit, rogato enixe Christi Vicario, ut turbulentis illis comminaretur ventis, & fluctus impios coherceret. Annuit Pontifex; & dira execratione, penitusque aliis eorum deuouit audaciam, qui auctoritatem summæ sedis aut spernerent, aut imprudentia carperent, in approbando Instituto, quod ipsi non satis probarent. Ne cui tamen hæc appellatio attribueretur præterquam necessitatì, diuinæ gloriae vindicandæ, consilium suum probauit per literas P. M. Ioanni Aulæ sibi amicissimo, ut ubi res posceret, posset vir tota Hispania, & talis & tantus, dicto scripto que erorem iis demere, quibus forte hæc prouocatio minus patiens videretur. Contendit ergo iis literis, asseritque testimoniis tum patrum veterum, tum Theologiae principum, propriae famæ propugnationem necessariò cuique incumbere, cum eius neglectus in boni publici detrimentum euadit. Hoc uno se motum ad propellendum probrum quo bona, & innocens suorum, inurebatur existimatio; quod tamen aiebat præstiturum se quam placidissimè, & qua maximè posset obseruantia, & suavitate, quibus si nihil promoueret, iturum se via opposita, quam necessaria defensionis religio suafisset.

XLIX.

*Ratio bonos
formandi su-
periores.
Iacobus Mi-
ron.*

Duas egit has partes primarias gubernatio S. Ignatij, quibus debere Societatem regi, quidam ex antiquis illius patribus tradidit; quæ priuatum cum publico bonum ita consociant, ut suam utriusque mensuram modumque conseruent. Hac vero duplice continentur voce. *Fortiter, & Suauiter.* *Fortiter, ut cum omni restringe sit ratio gubernandi efficax atque im-
mobilis in uniuersam, & que cum fine constanter, atque magnanimititer con-
iungatur. Suauiter, ut in particularibus, & rerum usu adhibeatur moderatio,
longanimitas, & sustinentia ut expedire videbitur.* Nunc post enarratam in formandis ad summam virtutem inferioribus, illius sanctitatem, cum pari prudentia coniunctam, superest demum, iisdem præsidii, superiores quo pacto fingeret videamus, quæve illis præcepta magisterij huius impenitissimi scriberet. In quo excellentem eius peritiam edocetus Xauerius præfessione quadam sui post annum è vita discessus, magnoperè ab eo petuit Rectorem Goano Collegio, quem coram, sua ipse manu, ac voce formasset

[Te per Dei amorem, & obsequium rogo (ait Cocino scribens) quod te sanctis pedibus tuis aduolutus, ex te si præsens istic essem, rogarem, mittas

huc

huc qui Goæ Collegium regat, hominem caritati tua penitus perspectum] & paucis post mensibus Goa iterum scribens [Per Christi amore obtestor, & oblecro hoc destines, qui Goæ Collegio præsit, sed tua ipsius manu lect s, vt enim ipsi doctrinæ suppelle non multa sit, verum ad felicem, & Goæ, & tota India Societatis gubernationem, hoc solo abunde suffecerit, si tuo delectu probatus fuerit, Patres omnes Fratresque huius Collegij nihil æque desiderant, ac superiorem, qui tecum diu versatus fuerit] Parandis itaque ad curam aliorum idoneis, primam habebat delectus rationem, *Diu trivianandus est*, inquit Cassiodorus, cui traduntur examina. Hæc suis postremum negotia mandabat, & hac ad ultimum instituebat disciplina, vt & Pithagoram apud S. Augustinum refert Varro, suprema documenta, de administracione reip. tradidisse; tantos enim ibi fluctus videbat, vt eis nollet committere nisi virum, qui & in regendo, pane diuinè scopulos enitaret, & si omnia defecissent, ipse illi fluctibus quasi scopolus fieret. Porro in talium delectu magnam quidem ducebat prudentis iudicij rationem, & decori grauitatisque in moribus: verum adeo iis non acquiescebat, vt ciuilem magis quam religiosum ornari rectorem iis intelligeret, nisi accessissent virtutes alia quibus solidius gubernatio fulcitur; nempe domitos habere animi sui motus, qui fructus est reportatae assiduo de le victoriae; experimentum sui diurnum præbuisse in obseruatione regularum etiam minimatum; in causa, & obsequio Dei fortem esse; paternum animum fouere; & esse ad obtemperandum semper expeditum. His auctos dotibus elaborabat Ignatius in superiores, ac principio quidem periclitabatur illos in rebus impeditis, neve vsum regendi, suorum damno seriùs discerent, docebat illum nihil minus aduertentes: accersebat non raro ad quotidianam consultationem quæ ultra horam nec proferebatur; nec deliberabat nisi de uno tantum ex iis quæ tunc occurruissent negotio: commendabat illis si quos haberet difficiles, & in religioso proposito nutantes; tractanda illis committerebat peculiaria nonnulla, viamque monstrabat, ea feliciter exticandi; integrum illis interea permittens executionis libertatem, non quasi rei ab se demandatae, sed propriæ, & cuius ipsi auctores essent; sic enim ingenium subtilius acui, industriamque pertinaciū operi instare. Confectis autem quæ præstari ab iis optauerat, reuocare illos ad calculum; quare ecquid ipsi sibi fecissent satis; laudare prudentiam vbi commodè exisset; vbi vero minus, indicare quānam potuisset fortunatiū exire. Sic paulatim iis & oculos, & animos dabat, ad res suis auspiciis gerendas, aquilæ in morem, pullos extra nidum experiundis alis, propiore giro provocantis. Postquam autem satis perspexerat posse tuto se illis confidere, tunc tandem gubernaculis admotos, per se illos volebat rem agere, ac si quando ambigui quid iuberet, quid auctor esset requirerens, responsum ex eo aliud non ferebant, nisi vt suo officio fungerentur. Neque ullo modo probare poterat, superuacaneam, & sèpè molestam Provinciæ quorundam agitationem, qui Rectorum sibi subiectorum exercent

L.S. ep. 40.

L. 2 de Ordine c. ult.

gubernationes; ut neque Rectoris qui se in Collegij sui ministros singulos transformat, omniumque personas unus vult agere, velut superior administratio cœterarum inferiorum peritiam, sui excellentia contineret. Legimus hac de re fragmentum Epistolæ quam scripsit in Lusitaniam ad Provincialem, qui nimis erat in rebus ex suo ingenio versandis, quas siue officij ratione, seu rationis officio, præstabat aliis permitti: verba sunt aurea, & ad eiusmodi omnigerorum hominum censuram omnino adnotanda.

[Non est, inquit, Prouincialis, neque Generalis priuata negotia curare, ac licet forent omnium capaces, & ad omnia habiles, securius tamen curanda haec aliis relinquent, à quibus deinde ad Prouincialem, quid in iis actum sit referatur, eiusque postrema deliberatio petatur: præstat quin etiam confiencia rei facultatem omnem, ei concredere à quo tractata est, si valet eam absoluere; idque tum in negotiis animorum, tum maxime in temporariis. Evidem ad me quod attinet hoc seruo, magnumque ex eo oneris leuamen, & tranquille consolationis fructum percipio, tibi vero cum pro offici munere constitendum sit, quicquid facit ad Prouinciae totius uniuersum bonum, quantum ad hoc conducit optimi cuiusque à te sententiam audiri, tamò virtutis fuerit, executione singulorum tute abstineas. Motus quidem priuatos velut eorum auctor, & impulsor, certis definies regulis; at hoc satis habeto. Sic plura, & melius, & quæ gradus tui sint magis propria, non aliter perages, ac si per te ipse illa conficeres. Ac si quando ministros labi contigerit, tolerabilius fuerit a te illos erigi, quam te ab illis corrigi si forte laberis; quod certe haud raro futurum est, si velis curam superfluam ad priuatorum munera conferre. Hæc ille omnino sapienter. Tandem quos præcessere aliis iusserat, si communis obessent disciplinæ, seu naturæ vitio, seu virtutis imbecillitate, loco illos constanter mouebat, vt duos ex illis, nouem primis instituti sociis amouerit, Neapolii alterum, alterum in Lusitania; quod etsi vita, mentisque optimæ viri essent, parum tamen secundos euentus haberent in interiori suorum gubernatione.

LIBER